



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахунки.

Пренумерата в краю:

30 грошей місячно,

80 „ квартално

1.50 „ полрочно,

3 зл. рочно.

В Америкі: 1 дол. рочно.

В Чехословакии:

2 кор. місячно, 10 кор. полрочно,

20 кор. рочно.

Ціны оголошень:

Ціла сторона 120 зл., $\frac{1}{2}$ сто-

роны 60 зл., $\frac{1}{4}$ стороны 35 зл.,

$\frac{1}{8}$ стор. 20 зл., $\frac{1}{16}$ стор. 10 зл.;

оголошення малы за 1 мм. 20 гр.,

в тексті 30 гр., перед текстом

40 гр. При місячном и долгом

оголошеню значна знижка.

Кonto чекове Нр. 404.155.

Война в Африці окончена?

В минувшом тыждні заняли италянскы войска столицу Абисынии Аддис-Абебу. Ище передом негус Абисынии Гайле-Селассие опустил свой край и выїхал до Жибутти, откаль має выїхати до Лондону.

Жителі Аддис-Абебы приглядали ся вкрачающим италянским войскам, сидючи на порогах своих хат, перед котрыма вывїшено переважно білы фаны. Гдекотры с них приимали войска равнодушно, инши витали италянскы колюмны. На лицах всіх маловала ся велика цікавость.

На италянском посольстві вывїшено фану о державных барвах. Колюмна, котра опановала Аддис-Абебу, числит 1300 тягарных самоходов.

Чом выїхал негус с краю.

Негус заявил, же выїхал со столицы не прото, жебы боял ся продолжати войну, лем зробил того, видючи, же невооружены абисынцы не сут в стані бороти ся с новочасными формами вооружения, особенно с труючими газами. Прото выїхал, штобы не допустити до дальшого вынищення Аддис-Абебы и чужих посольств. Крім того газеты подают, же причином выїзда негуса был также тот факт, же его войска збунтовали ся, а во главі бунту станул сам министр войны. Также медже членами правительства не было згоды. Килькох министров жадало окончения войны и аж втотчас негус рішил выїхати с краю. По занятю Аддис-Абебы абисынска армия праві не существует, негус выїхал, тож ніт кому, ани чим продолжати дальше войну, котру тым самым належит уважати за окончену.

Англия зажадат части Абисынии.

С Лондона доносят, же Англия боит ся анексии цілой Абисынии через италянов, в виду чого бритийске правительство буде

стреміти до охороны своих интересов слідующими средствами:

1) через обезпеченє пространства озера Тана при помочи нового договора.

2) через утворенє корытара до Судану, котрый бы ужожливил территорияльну контролю и

3) через обезпеченє морской дороги, ведучой через Червене море.

Крім того правительство англицке буде ся старати о охорону своих торговельных интересов в Абисынии на основах равных прав и о регуляцію границ Абисынии с бритийским краєм Сомали и бритийскими колониями Кения и Судан.

Францускы правительственны круги высказуют ся за скликанєм конференции Франции, Англии и Италии в цілі усталения будучого режима в Абисынии, при чом Италия мала бы одержати в Абисынии такы самы права, якы має Франция в Мароко. Жерела италянскы подают однак, же Муссолини оголосит попросту анексию цілой Абисынии.

Англия высказує ся за тым, штобы в справі Абисынии в виду положения выкликаного выїздом негуса, забрала голос не лем Англия и Франция, але ціла Лига Наций.

Будова дорог и мостов.

Дороговы работы, ведены Министерством коммуникации в границах признанных на тоту ціль инвестиционных кредитов начали ся переважно уж от дня 1. квітня.

Приступлено во всіх воеводствах до консервацийных работ на державных дорогах, а крім того начато ряд инвестиционных работ при будові новых дорог и мостов.

Работы при будові улучшенных наверхней сут ведены в тек. році в воеводствах келецком, краковском, варшавском и лодзком.

Будова новых дорог буде ведена в го-

ловной мірі в чотырох воеводствах восточных. В других воеводствах має выбудовати ся 5 отдільных державных дорог, крім того предвиджене єст субвенционированє на терені цілого краю будовы 50 дорог самоуправных. Значне число тых работ єст уж начате.

В ділі державных мостов приступлено до перебудовы подпор сталевого моста на Нарви в Остролуі и до дальшой будовы жельбетовых мостов на Пилиці в Білоберегах, на Скаві в Макові, на Грывді в Любищицах и стальных мостов на ріці Вір и на Пилиці в Спаалі. Крім того будує ся цілый ряд деревяных мостов во всіх воеводствах.

Пят миллионов злотых на мелиорацию.

Министерство сельництва и реформ сельных переизначило в т. р. суму 5,600.000 зл. на переведенє конечных мелиорацийных работ, а именно на будову охоронных валов, котры мают охоронити низинны терены от наводнения и на регуляцію малых рік, а также на осушующи работы и охорону берегов перед обрывами.

Тоты работы переведе ся в головной мірі в воеводстві варшавском, краковском, львовском, лодзком и келецком. Крім того в воеводствах восточных буде поширеный значно розмір тых работ.

Як выпали выборы во Франции.

Выборы во Франции окончили ся великом побідом лівых партий, причом ліве крыло приняло значно. радикальнійший характер, як мало до тепер.

Комунисты мают тепер 70 депутатов (до тепер мали 11) и того было несподіванком для всіх, але найважнійше єст того, же головны группы лівого фронта — социялисты Блюма, радикал социялисты Даладе и комунисты мают тепер в парламенті абсолютне

большенство и могли бы, если захотят, составить свое правительство. Тото однак, кто засяде во французском правительстві, може интересовати лем французів, нас больше обходит тото, яка буде загранична политика Франции по побіді лівого крыла французского населеня.

Побіда лівых была выкликана страхом французів перед фашизмом, бо они видят в фашизмі опасность войны. Маюť того примір на фашизмі Муссолиного, як также на вооруженю Гитлера.

Не лем ліве крыло побідившой партии, але и праве с б. премієром Еррио во главі, являть ся сторонником тісного зближеня с Совітами. В италиянско-французской политике оне иде по лєнии Англии, але в отнесеню до Німеччины готово ити рука в руку с Москвом и тото именно може перемінити заграничну политику цілою Европы. Прото світ слідит с огромным интересом, як развинуť ся дальши медженародны событыя. На разі одно єст павне, же комунизм, борючий ся за власть в сусідной с Франциом Испании, зділал в послідном часі оден великий крок вперед на світовом политичном поли.

Што коштувало открытє Амерыкы.

В послідных часах розсліджено справу открытє Амерыкы и усталено подробности незнаны до тепер.

Оказує ся, же выправа Колюмба коштувала не цілых 7500 долларів. Минуло однак много літ, покаль потрафили собрати тоту суму.

Мысль о краю на западі опановала Колюмба от єго молодости. Мусіл он бороти ся с цілым рядом предрасудков своих земляков.

Против нему высувано аргументы, же в наслідок великих спек на ровнику, человек не може переплынути на противоположную сторону земельной кулі, дальше, же

объем кулі єст так великий, же не можна єго скорше, як через три роки обїхати, же если корабель аж и обїде земельну кулю, то не буде мочи вернути, бо не потрафит поднести ся по выпуклости глыбу и т. д.

По многих літах испанец Людовик де Сантанель дал Колюмбу гроши на выправу. Побудовано 3 кораблі, котрых капитаны доставали по 125 дол., а матросы по 25 дол. рочно. Никто не хотіл їхати в незнаны край. Найдено документы, же силом приневоляно людей на тоту выправу. Гдекотры с них были преступниками, котрым даровано кару под условієм, же поїдут с Колюмбом.

Дня 3. серпня 1492 р. експедиция выїхала в дорогу. Колюб, котрый одержал тытул адмирала, їхал на першом кораблі, котрый называл ся „Изабеля“. Навигаторскы єго відомости были скупы, а кромі того не мал он потребных инструментов, прото посувал ся он барз поволи.

В часі цілої дороги Колюб провадил фальшивы нотаткы в корабельном дневнику. В єго памятнику под датом 9. вересня сут такы слова: „Днеска зробили мы 19. лиг (лига выносит около 6 км.), але я записал меньше, штобы залога не встрашила ся, же отдаляме ся занадто от отчизны“. 10. вересня вмісто 60 записал 48 лиг, 10. жолтня вмісто 59 лем 44 лиг. Залога бунтовала ся совсем открыто. Лем приреченієм фантастичных богатств, ожидающих их в новом краю, потрафил он удержати их в карбах.

Дня 12. жолтня 1492 р. о год. 2-гой вночи адмирал узріл далеко огонь. Ціла залога собралась зараз на покладі и отчитала молитву. Коли по якомси часі появило ся сонце, залога узріла остров с зеленыма деревами, многыма ріками и ріжныма плодами. С грудей залогы выдобыл ся громкий оклик: „земля, земля“!

1000 хат згоріло.

Дня 6. мая т. р. о год. 13 в Давидгородку над ріком Горыньом в одной хаті выбухнул

пожар, котрый в продолженю 10 минут обнял около 100 хат. Поширяючи ся дальше перешмарил ся огонь на другу сторону Горыня и знищил ціле передмістє. Спалило ся около 1000 будынков господарских, належащих до 250 господарей, переважно газдов. Згоріла также церков.

С трудом оборонено 3 великы мосты над Горыньом и єго притоками.

По информациям спалила ся одна женщина и 2 дітей.

Згорілый маєток представлял вартость около 1½ милиона злотых.

Сорганизовано комитет несеня помощи погорільцам и приділено им картофлі и мукы.



Пару слов о гигиєні.

Гигиєна єст то наука о здравю (не о ліченю) и єст она найпопулярнійшом частью лікарской науки. Обнимат она всі области нашей работы и нашего житя.

Тож бесідуєме загально о гигиєні яко о науці маючой нас хоронити перед хворотами и подробно, о справах звязанных с задержанієм здравя. Аджек гигиєна села, мешканя, работы, корму и т. д.

Начати треба от найзагальнійшой части, то єст от чистоты, ладу и порядку, яко основных условий задержаня здравя.

Знаме всі, же сут заразливы хвороты. Сут то хвороты, вызкликаны бактериями, або заразками. Бактерии сут то маленькы существа, невидимы голым оксм, а лем через скомплюкованы приряды увеличаючи, званы микроскопами. Под такыма микроскопами удало ся ученым тоты существа познати и отріжнити, котры с них сут шкодливы, вызкликуючи хвороты, а котры пожиточны в господарстві, вызкликуючи нпр. кислоту молока и т. д. Понятно, иначе выглядят шкодливы, а иначе пожиточны заразкы, инши знова серед злосливых сут тоты, котры вызкликуют сухоты, а инши, вызкликуючи брішний тиф, катар, грипу и т. д. Тоты злосливы, хворототворчи заразкы лю-

На што хворіют в Абисынии и як ся лічат.

Абисыния на загал єст краєм здоровым. Лежит она на высочині взнесенной высоко над уровень моря, має теплый и досыт одностайный климат, перечищают воздух горскы вітры и пекуче сонце, што разом взятє противдієствує многым хворотам.

Не знают там ціллковито нпр. дыфтерита, котрый єст страшным утрапінєм матерей малых дітей в Европі. Не доходит ту николи страшна азиятычка хворота-джума. Холера принимат ся лем на низинах, а на высочині єст она рідка и має перебіг барз легкий. Рідкий єст также тиф, або глушка. Чисты вітры розгоняют, а сонце в миг убиват заразкы тых хворот.

Але часто быват так, же што природа дає для счастья людей, то люды самы псуют тото своим непомірном глупотом и небдальством. Так єст и в Абисынии, где помимо здорового климату, ширят ся страшны хвороты.

На абисынских низинах, в спекотных и вильгых долинах, выбухат нераз страшна „воба“, єст то род фебры. Человек трясє ся цілым тілом, як бы не мог собі дати раду от зимна, а тымчасом горячка доходит до 40 градусів. Выніты торгают страшны, котры переходят на кырвавы и хворый достает кырваву бігунку. По пару днях хворый найчастійше умерат, а если аж и выздоровіє, то стає ся кырляком на ціле житє. Европейцы, штобы охоронити ся перед том хворотом, принимают застрікы хинины, а як хоронят ся перед ньом абисынцы? От попросту, утекают до сторон, где ей ніт. Страшна тота хворота на счастье не доходит до сторон сухых, высше положеных.

Найстрашнійшом однак хворотом в Абисынии єст проказа. Страшна то хворота. За житя человек гниє, тіло с него поволи отпадат и ніт средства на тото, штобы тоту хвороту вылічити.

В Абисынии живут десятки тысяч проказных. Зараженє проказом не для каждого єст одынаково шкодливе. Одны маюť тіла отпорнійши на тоту хвороту, другы меньше отпорны. Отпорны маюť по 20-ох роках ледво скору на руках знищену, барвы жолтаво-бурой, як бы им кто руки попелом посыпал, у других уж по 2-ох літах творят ся смертельны раны, котры выжерают величезны дыры.

Проказных надыбує ся в Абисынии на каждом кроку. Сідят они при дорогах, при дверях урядов, реставраций и на площах и просят милостыню. Страшне спустошенє робит тота хворота в тілі человека. Члены покручены и покривлены, великы червены гузы, або отворены вреды, раны на лицах, на грудях и на кончинах тіла, пальцы часто поотпадаюť. Страшный вид представлят проказный и милосердіє мішат ся с обридженієм и отразом, коли смотріт ся на проказного. Знают о том проказны и коли европеец не даст єму милостыні, он так долго не отступит єго, покля не достане пару грошей, штобы освободити ся от того вида.

Вид тот однак не дієствує совсем на абисынцев. Они привыкли до того и переконали ся, же заразити ся можна лем через дотык и тому не стыкаюť ся с нима и тото им выстарчат.

В краях восточных, опанованных европейцами, европейскы власти отгороджуют проказных отдільно. Будуюť для них отдільны дома и цілы оселі, где их лічат, стараючи ся змягчити их болі. Не позволяючи проказным выходити поза дома и оселі для проказных, запобігают ширеню ся той страшной хвороты.

бят барз бруд. И там, где люди не дбают о чистоту, где мыют ся, — як то бесідують — лем от свята, там тоты заразкы гніздят ся и розвивают. Всьо одно, где тот бруд буде, в місті, ци на селі, в хаті, ци на дворі, все найдеме в нем тоты заразкы, а відомо, же если не хочеме хворити, мусиме стеречи ся бактерий.

О том, як стеречи ся перед нима, учит нас гигиєна. Часть тота, в виду того, же предохранят нас перед хворотами, называт ся предохранительном гигиєном. И именно о той предохрані повинни всі знати. И може аж и больше на селі, як в місті, бо преця на селі могут ся заражати ріжnymi заразками не лем люди але и домашны звірята.

Знаме также всі, же на селі єст труднійше о гигиєчны устройства, як в місті.

Прото тыж будеме в Лемку поміщати от часу до часу рады, як собі тото всьо дешево устроити.

А поборюючи хвороты причиниме ся до поднесеня силы нашего народа и державы.

Порушиме справу предохраненных щеплень, т. з. штучно поданых способов охороняющих перед хворотом. Бо если о щепленю против оспы всі знают, то може много людей не знає о щепленнях против дифтеритови, брішному тыфу и т. д. Ходит о тото, штобы читателі не лем о щепленнях дознали ся, але и зрозуміли их потребу.

Як уж на початку подано, гигиєна занимає ся межде иншим также справами мешкань, домашнего устройства и т. д. Тож в дальших радах хочеме доказати, же не єст равнодушне для здрава, ци и килько окон має хата, где повинна быти выбрана студня, где кльозет, где гной и т. д.

Призадумає ся над кормом, бо то не всьо одно, што мы іме. Можна преця істи дороги стравы, а они не лем не дадут нам сил и здрава, але наоборот ище нам пошкодят, а можна также істи дешевы річи, котры отвітно добраны будут здоровым кормом. Особенно треба уважати на корм дітей, штобы росли здраво на славу народа и державы.



Кырвавый моч у живины.

Як охоронити звірята перед том хворотом.

Кырваый моч (червенка) єст хворотом, котру выкликує специальна бактерия, живуча яко паразыт на лісовых кліщах. Прото тыж хворота тота появляє ся у тых звірят, котры пасе ся на лісовых пасовисках. Кліщи находят ся на листьях многих дерев и кряков листовых (нпр. на ліщині), а живина, хоронячи ся перед сонцем, або овадами, отерат ся о конары тых дерев и втотчас кліщи в'ідають ся в скору особенно на ногах и на бріху. Кліщ, в'ідаючи ся в скору, кормит ся кырвою живины и росне скоро. Часто на скорі живины, пасучой ся на лісовых пасовисках, можна видіти дуже кліщей, величины зерна гороху. Если кліщ єст зараженный высше наведеными паразытами, то тоты паразыты достають ся до кырви живины и выкликують кырваый моч. На хвороту тоту западат звычайно живина в маю и червні.

Звіря, котре достає кырваый моч, звычайно горячкує, достає запор, моч єст червеный от кырви, што єст характерыстичном ціхом той хвороты. По пару днях (5—10), если не выздоровіє, може пасти. Але живина, котра все пасе ся на лісовых пасовисках, переходит тоту хвороту улегко, а лем для звіряти с окрестностей безлісных може быти она опасна. Гдеякы штуки могут цілковито не хворіти помимо, же на их скорі єст моц кліщей, а другы западают на ню тяжко. Зависит тото от отпорности организма живины на тоту хвороту.

Видиме, же розносителем той хвороты сут передовсем кліщи. Як спостережеме их на скорі звіряти, треба их зараз устрани, смаруючи кліща капльом терпентыны. Не можна их отрывати, бо отрывают ся лем кадолб, а голова остає в скорі, што єст безцільне. Треба зазначити, же на кырваый моч може запасти также живина, держана в стайні, если стелиме под ню лісове листє, в котром могут находити ся кліщи.

Хворы на кырваый моч штуки лічит ся подскорными застріками розличных ліков. Робити тото може лікар ветеринарии, котрый запише отвітный лік.

Если живина ходит на лісове пасовиско и маме штуки, котры на лісовых пасовисках ище не были, то все заходит опасность, же тоты штуки могут запасти тяжко на кырваый моч. Прото треба такы штуки уотпорнити через застрікы кырви, взятой со звірят таких, котры уж мали кырваый моч. Зробити тото треба перед выгнанєм живины на лісове пасовиско на 6—8 неділь.



В Варшаві арестовано 100 терорыстов.

Прокураторскы власти в Варшаві арестовали понад 100 членов Обозу Народно-Радикального, котры выконали много бомбовых замахов в подваршавских місцевостях в місяцах в грудні м. р. и в січні т. р. Понадто серед членов О. Н. Р. зликвидовано кильканадцет боевых групп числячих от 10 до 15 людей. Найсильнійша группа числила 26. людей.

Усталено также, же терорыстычна акция была финансирована через людей, належачих до найбогатших кругов Варшавы. Назвиска тых людей сут знаны прокуратории, але со взгляда на ведене слідство сут держаны в тайні. Гроши, даваны тьма людьми были перезначены на купно выбуховых материялов, и амуниции.

Всі терорысты будут отвітати за „организованє заговоров с оружием в руках против публичным интересам”.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО”

В Абисынии ніт жадной изоляции, а если проказный єст богатый, то женит ся и купує собі невольницы и ширит дальше заразу.

Дуже абисынцов хворіє на полевы хвороты. Лічат ся зле, острыма напотныма средствами. По выпитю такого средства, потліє ся всіма порама и тото так ослабят организм, же часто хворый умерат с ослабленя. Хворых тых єст неменьше от проказных.

Темнота, предрасудкы и суєвіріє сут головными приятелями хворот в Абисынии. О причинах хворот не мають там жадного понятя и прото трудно их рационально лічити, бо они волят вірити все знахорам, котрых єст там много и котры туманят народ.

Оден подорожник описує, же проводник, котрый опроваджал єго, скаржил ся на боль головы и просил єго о лік.

— Перестан пити по 10 карафок меду денно, то перестане боліти тв голова.

Але абисынцу не припал до смаку тот отвіт и он сказал, што то не от того.

— То от чого?

— Як я спал, мусіли мені ввойти ухом хробакы, они размножили ся, крутят ся по голові и прото болит мене голова.

Прикликаний знахор взял от него $\frac{1}{4}$ таляра, вынял торжественно брудный тупый ножик, поплюл на него, розранил скору за ухом, приложил тростинну рурку и почал сильно сосати. По якомси часі отложил рурку и с окриком благодарности для небес, выдолбал с руркы пару хробаков білых и червеных. Хворый аж подскочил с радости, хоц голова боліла єго дальше, присутны оніміли перед славом ученого лікара, а знахор отдалил ся скоро, тішачи ся, же заробил легко $\frac{1}{4}$ таляра и славу серед глуптаков. Понятно, же хробакы наклали передом до руркы.

Одна абисынка переідала ся баранім лосм, бараніма вну-

тренностями на сурово и червеным попром. С того хворіла на катар жолудка, але так она, як и муж вірили свято, же хворіє прото, бо як спала, вслизнул ся єй горлом до жолудка черный уж, котрый тепер виє ся внука и поводит єго боли. Так само абисынцы вірат, же всякы чиракы и вреды походять от того, же в часі спаня набрыдил на них черный уж, або малый ночный пташок.

Ище больше от пташка або ужа, шкодит людям „буда” або „зар” т. є. злый дух. Если влизе до дакого, то выкликує хвороту, як падачку, шал и другы.

Раз на молоду жену небогатого молочара в Аддис-Абебі напал шал. Стало ся тото внет потом, коли муж не згодил ся купити єй спроваджены до Абисынии французскы перфумы. Дерла ся, врещала и метала, чим попало в мужа. Сусідкы орекли, же то „зар” поселил ся в ней и так ньом мече. Они порадили єму, штобы он купил якнайскорше перфумы. И напавду, по купні перфум „зар” ся успокоил, але не на долго, бо скоро, як муж не хотіл купити єй пантофлей, „зар” знова начал в бабі шаліти и так повтаряло ся все, як муж не купил єй, што хотіла. Бідак продал уж пару коров, штобы оплатити „зара” и цілу громаду знахоров. Аж раз в часі шалу, хопил за бич со скоры ипопотама и сам не знаючи, як тото ся стало, начал бабу лостожити. И знате, што ся стало? „Зар” опустил бабу и баба перестала шаліти.

Далеко меньше было бы хворот в Абисынии, як бы тамешны люди были чисты. Але они сут страшно брудны. Воды боят ся, як огня. Мыла не знают. Хворый одіват ся в брудны лахы, окрывают ся брудным коцом и вмісто выйти на сонце, втискат ся в найбруднійший кут хыжи.

Што чути в світі.

Берлін: День 1. мая праздновано в Німеччині яко державне свято. Гитлер в том дні выголосил промову, в котрой заперечил, яко бы Німеччина мала напасти на Австрію, або Чехословакию.

Ерусалим: Магометане заявили, же все-народный штрайк арабов буде тревати аж до часу цілковитого заказу иміграції жидовской до Палестыны.

Джибути: Італіянскы самолеты шма-ряли над Аддис-Абебом летучкы, в котрых заявляли, же цисаром Абисынии буде ого-лошений сын бывшего цисара Лидж-Яссу.

В німецкой пресі появили ся сензаций-ны подробности о ново утвореной ескадрі стратосферных самолетов в Совітах, котру приділено до армії маршала Блехера. За-гальний стан авіації в С. С. С. Р. обчислено на 6000 возных самолетов. Независимо от той цыфры утворено першу ескадру стратосферных самолетов, котра єст най-страшнійшим оружьем XX. столітя.

Тоты самолеты досягают высоты 12 ки-льометров и розвивают скорість до 500 км. на годину. Сут побудованы с металю и мо-гут перелетіти 2000 км. без потреби допол-нення бензыны.

Стратосферны самолеты сут перезначены лем до масового бомбардованя, бо попаданє в ціль с такой высоты єст невозможне. Они могут забрати 3 1/2 тысяча термитовых бомб. Атак со стратосферы представляют величезну опасность, бо с высоты 12 км. не чути жадного шуму, ани не видно само-летов так, же в разі атаку должж бомб падат дословно с неба. Совітскы фабрыкы будуют пару таких ескадр. Газеты німецкы звертают увагу на того, яка опасность грозит Европі со стороны совітской авіації.

Москва: Совіты вздержали приниманє пачок с провіянтами высланных до Совітов и заповіли, же от таких пачок буде платити ся цлову оплату в высоті перевысшающей 15 раз вартость провіянтов. Причином такого рішеня были злоупотребленя при пачках высланных с Франції.

Москва: Совіты згодили ся начати пере-говоры с Англиом в ділі заключеня пакту о морских вооруженях межде Англиом и Совітами.

Парыж: В сотну рочницу смерти вели-кого поэта Александра Пушкина 10.ІІ. 1937. має стати в Парыжі памятник поэта. В цілої Франції зберают пожертвованя на тоту ціль.

Москва: Совітскы власти выдали заряд-женє, котре заборонят священникам всіх віроисповіданий подорожованя по терытории совітской.

Берлін: Резервы в Державном Банку Німеччины вычерпали ся цілковито. При-пас золота выносит вьсього лем 77 миллионов марок так, же финансове положенє Ні-меччины єст барз поважне. Одним спа-сенєм єст загранична пожичка, котра однак на разі має невеликы виды на успіх.

Рим: По случаю вкоченя до Аддис-Абебы італіянских войск Муссолини выголосил в Римі промову, в котрой заявил, же война в Абисынии єст уж окончена.

Відень: Група генералов новой австрий-ской армії має зажадати от канцлера Шуснига поданя ся до дымисии. Власть має обняти правительство войсковых, котре роспише новы выборы до парламента. Выборы тоты принесут по их обчисленю побіду гитлеровской партії, котра пак предложит Гитлерови становиско презы-дента Австрії.

Вісти с краю.

Варшава: В результаті правительственной акції затрудненя безробітних до тепер дано роботу понад 100 тысячам без-робітних.

Варшава: Министерство Финансов ого-лосило, же товары о вазі до 2 кг. присыла-ны с заграницы пэчтом або самолетами в подарунку для власной потреби обда-риваных а не на спекуляцію, не подпадают цловой оплаті.

Варшава: Министерство комуникации вводит нове зарядженє о уживаню роверов на публичных дорогах. Зносит оно ро-веровы карты и экзамен для роверистов, вводячи лем обовязок выкупленя табличок. Оплата реєстраційна выносит 2 зл.

Варшава: Апеляційный Суд в Варшаві оголосил в минувшом тыждні вырок в ділі убийства бп. п. министра Перацкого. Суд апеляційный затвердил вырок попередной инстанции што до всіх преступников за выключенєм Чорнія, Рака и Зарицкой.

Чорнія признано невиновным належаня до О. У. Н. и засуджено єго лем за того, же переночовал Мацейку в цілі уможливленя єму утечи, на 4 літа вязниці.

Рака и Зарицку суд признал виноватыма зашмаряных им преступлений, але зменьшил им кару именно за належанє до О. У. Н. засудил их по 6 літ вязниці, а за помоч при утечі по 4 літа вязниці.

В виду амнестии кару 6 літ зменьшено о 1/3 часть, а кару 4 літа на половину, так, же Рак и Зарицка маот до отбытя 4 літа вязниці. Чорниови на основі амнестии зменьшено кару до 2 літ.

Всім засудженым зачислил суд арест слідчий. По отчитаню выроку засуджены, подносячи руку до горы, крикнули: „Слава Україні!“ за што заступник председателя суда Гацек призвал их до порядка.

Горлицы: В селі Радочина горл. повіта с причины злой будовы комина повстал по-жар у Теодора Ганчовского. В часі пожара был сильный вітер, котрый перенес огонь на сусідны будынкы. Втраты выносят киль-ка тысяч злотых.

В Замостю дня 5. мая повстал величезный пожар, котрый обнял перешло 70 забудо-вань. Понад 2 тысячі людей остало без даху над головою. Спалила ся часть міста населена біднотси переважно жидовском. Много людей попарило ся. Втраты выно-сят около 1 1/2 миллиона злотых.

Львов: Полиция задержала валютных спекулянтов, котры занимали ся вывозом грошей до Румунии. Во Львові цельный уряд сконфисковал 25.000 долларов. Одно-часно гранична сторожа в Снятині скон-фисковала у жены одного львовского купца суму 40.000 зл. в золоті, котры хотіла вы-вести до Румунии.

Читальня им. М. Качковского в Ждыні

горл. повіта

скликує на день

17. мая 1936. год. 13.

НЕЗВЫЧАЙНЕ

Загальне Собранє членов.

Всіх рускых людей місцевых и с сусід-ства просит явити ся численно

Заряд Читальні.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасекурує ся
в асекураційном Товаристві
ВИТА И КРАКОВСКЕ
во ЛЬВОВІ

Асекурацію принимають на цілої Лемковщині
представителі: гг. Осиф Яновичкый — Крыница-Село и Ми-хаил Перелом — Сянок.